

Tingulluut tuniluuttoq A (Hepatitis A) - Angajoqqaanut paasissutissiissut

Tingulluummik tuniluuttumik A-mik napparsimasoqalersimava? Angajoqqaatut nappaatip tuniluussinnaaneranut pinaveersaartitseqataasinnaavutit. Ilitsersuut atuaruk meeqqallu tingulluummik tuniluuttumik A-mik napparsimasorilersimagukku sulisut tamatumingga ilisimatikkitt.

Tingulluut tuniluuttoq A (Hepatitis A)

Tingulluut aseruttoornertut ittoq tappiorannartumik virus-imik patsiseqarpoq. Meeqqat mikisut nappaat sungarpallaatigigajunngimmassuk, meeqqap avatangiisaasa arlaat inersimasoq napparsimalerpat nappaatillu tuniluunna taamaasilluni paasineqarpat, tamatuma tungaanut meeqqerivinni malugineqarani tuniluussinnaasarpoq.

Tunillatsinneq

Nappaat assaat atortullu annamik mingutsikkat qanermut tutsinneqarnerisigut tuniluuttarpoq. Tappiorannartup virus-ip anarineqarneragut tunillatsinnermiit sap.ak. 2-3 qaangiunneranniit, napparsimalernerup kingorna ullualuit qaangiunnissaasa tungaanut nappaat tunillaattarpoq. Nunanut allanut angalanermut atatillugu siullermik tunillatsittoqarajuppoq.

Pitsaaliuineq

Tingulluummik hepatitis A-mik paaqqinnittarfimmi nappaateqartoqartillugu eqqiluisaarluarneq immikkut pingaaruteqarpoq. Nappaat meeqqat akornanni ersarissunik ersiuteqartanngimmat anarlu aqqutigalugu tuniluussinnaasarmat, eqqiluisaarnissaq pillugu maleruagassat nalinginnaasut tamatigit malinneqarnissaat pingaaruteqarluinnarpoq. Meeqqamut maleruagassaq pingaarnerpaaq tassaavoq neritinnani perusersareernermilu assaat asannissaat. Ulluunerani paaqqinnittarfimmi tingulluummik hepatitis A-mik nappaalasoqartillugu kikkut (meeqqat, sulisut, angajoqqaat allalluunniit) akiuussutissinneqarnissamut innersuunneqarnissaat Nunatsinni Nakorsaaneqarfiup aalajangiivigissavaa. Pitsaaliuinnermut atatillugu (ukioqalereersunik akiuussutissiisoqarsinnaavoq). Nunanut allanut angalalinnginnermi akiuussutissinneqarneq nappatsaaliuutaavoq.

Nappaammut ersiutit

Tunillatsinnermiit napparsimalernermit: Sap. ak. 3-6.

Nappaat timip tamarmiusup ippinnarneranik, merianngunermik, kissarneqarnermik, ilaatigullu naarlunermik, timminermik meriarnermillu aallarniuteqarajuttarpoq. Sapaatip akunnerata qaangiunnerani isit qaqortortaat amerlu sungarpallalersarput. Qooq taarsisarpoq anarlu qaqortilluni. Tamatuma kingorna kissarneq appartarpoq napparsimasorlu pitsannguumisarluni.

Nappaat meeqqani inuusuttunilu nalinginnaasumik peruluutaaneq ajorpoq inersimasunili peruluutaasinnaasarluni.

Nakorsartinneq

Napparsimalereermermi nakorsarneqarsinnaasannilaq.

Taama nappaateqartoqartillugu maleruagassat

Paaqqinnittarfimmi tingulluummik hepatitis A-mik nappaalasoqartillugu pitsaaliuinnermut atatillugu iliuuseqarsinnaanissaq siunertaralugu, Nunatsinni Nakorsaaneqarfik attavigineqartariaqarpoq.

Meeqquerivimmukaqqinnissaq

Meeraq peqqissippat.